



ასპინძის

სახელოვნო

ასპინძის მუნიციპალიტეტი * ივნისი. 2020 * (4)61

პრეზენტაცია ვარძიაში

ფონდი „ქართუს“ დაფინანსებით წელს კულტურული მემკვიდრეობის 100-მდე ძეგლის რეაბილიტაცია მიმდინარეობს.

ბიძინა ივანიშვილსა და ფონდ „ქართუს“ კულტურის სფეროში ქველმოქმედების სახით მილიარდ ლარამდე აქვს გაღებული. მხოლოდ მიმდინარე წელს, ძეგლთა დაცვის მიმართულებით „ქართუს“ საქველმოქმედო დაფინანსება 20 მილიონ ლარს აჭარბებს, რომლის ფარგლებშიც, 100-მდე ძეგლზე სარესტავრაციო-სარეაბილიტაციო სამუშაოები მიმდინარეობს, რომლის თაობაზე კულტურული მემკვიდრეობის დაცვის ეროვნული სააგენტოს წლიური ანგარიშის პრეზენტაციაზე ითქვა.

ვარძიაში გამართულ პრეზენტაციაზე სააგენტოს ხელმძღვანელმა, ნიკოლოზ ანთიძემ საზოგადოებას 2019 წელს განხორციელებული და მიმდინარე პროექტები წარუდგინა.

ფონდი „ქართუს“ გამგეობის თავმჯდომარის, ნიკოლოზ ჩხე-



ტიანის თქმით, ფონდს საქართველოს მასშტაბით აღდგენილი აქვს რვაასზე მეტი ისტორიული ძეგლი.

„წელს გვაქვს ძალიან ინტენსიური პროგრამა, 98 ძეგლის აღდგენას ვაპირებთ, ამისთვის გამოყოფილია 21 მილიონი ლარი. თუ საჭიროება დადგა და პანდემიური სიტუაცია შესაძლებლობას მოგვცემს, ეს ბიუჯეტი გაიზრდება. ძალიან ოპტიმისტურად ვუყურებთ წლევანდელ გეგმას და ვაპირებთ, კვლავაც მხარში დაეხმარებოდნენ ხელმწიფოს და დაეიცვათ ჩვენი

კულტურული მემკვიდრეობა“, - განაცხადა ნიკოლოზ ჩხეტიანი.

მასშტაბურ პროექტებს შორის, პირველ რიგში, ნიკოლოზ ჩხეტიანი ანუყურის საკათედრო ტაძრის აღდგენას ასახელებს, რომლის დასრულება 2022 წლისთვის იგეგმება.

როგორც პრეზენტაციაზე აღინიშნა, 2019 წელს ფონდ „ქართუს“ ძალისხმევით, კულტურული მემკვიდრეობის 75 ძეგლის რეაბილიტაცია განხორციელდა.

სააგენტოს ხელმძღვანელმა, ნიკოლოზ ანთიძემ მადლობა

გადაუხადა საქართველოს კულტურული მემკვიდრეობის მოვლის პროცესში სახელმწიფოს მთავარ პარტნიორს - ფონდ

კულტურული მემკვიდრეობის დაცვის ეროვნული სააგენტოს წლიური ანგარიშის პრეზენტაციაში მონაწილეობა



„ქართუს“, რომლის დაფინანსების წილი სახელმწიფოს დაფინანსების წილს აღემატება.

ქართული კულტურის მიმართულებით სხვადასხვა პროექტებს „ფონდი ქართუს“ უკვე ოცი წელია მუდმივად აფინანსებს, მათ შორის, კულტურული მემკვიდრეობის ძეგლების დაცვას, მათ აღდგენა-რესტავრაციასა და მოვლა-პატრონობას.

მიიღო განათლების, მეცნიერების, კულტურისა და სპორტის მინისტრმა მიხეილ ჩხენკელმა.

პრეზენტაციას ფონდი „ქართუს“ სამეთვალყურეო საბჭოს თავმჯდომარე ნიკოლოზ ჩხეტიანი, პრემიერ-მინისტრის მრჩეველი სოზარ სუბარეტი, ხელისუფლებისა და საქართველოს საპატრიარქოს წარმომადგენლები ესწრებოდნენ

სამცხე-ჯავახეთის რეზონანსული შეხვედრა მუნიციპალიტეტის მერიაში



ახლახან ასპინძის მუნიციპალიტეტის მერიაში სამცხე-ჯავახეთის სახელმწიფო რწმუნებული ბესიკ ამირანაშვილი მუნიციპალიტეტში მერს და სხვა ოფიციალურ პირებს შეხვდა. სამუშაო შეხვედრაზე განხილული იქნა კორონავირუსის პრევენციული ღონისძიებების ფარგლებში მუნიციპალიტეტში მცხოვრები მოქალაქეებისთვის განუხლები დახმარების საკითხები.

სახელმწიფო რწმუნებულმა ინფორმაცია უშუალოდ სამსახურის ხელმძღვანელებისგან მოისმინა მუნიციპალიტეტში კორონავირუსის პანდემიის გავრცელების პრევენციისას გატარებული და დაგეგმილი ღონისძიებების, სოციალური და სხვა ტიპის სერვისების შესახებ, რომლებ-

საც მუნიციპალიტეტის მერია სთავაზობდა ცალკეულ მოწყვლად ჯგუფებს.

შეხვედრაზე ასევე ხაზი გაესვა მუნიციპალიტეტისთვის მნიშვნელოვან და პრიორიტეტულ პროექტებს, რომელთა განხორციელებაც ხელს შეუწყობს ასპინძის მუნიციპალიტეტის სოციალურ და ეკონომიკურ განვითარებას. შეხვედრის შემდეგ მხარის რწმუნებულმა ასპინძის მუნიციპალიტეტის მერთან და სხვა ხელმძღვანელ პირებთან ერთად ადგილზე მოინახულა ასპინძის მუნიციპალიტეტში მიმდინარე ინფრასტრუქტურული პროექტები.

ბესიკ ამირანაშვილი რეგიონის ყველა მუნიციპალიტეტში მსგავს შეხვედრებს გამართავს და არსებულ პრობლემებს პირადად გაეცნობა.

ასპინძის მუნიციპალიტეტის საკრებულოში

მიმდინარე წლის 11 ივნისს გაიმართა ასპინძის მუნიციპალიტეტის დისტანციური საკრებულოს მორიგი სხდომა.

საკრებულოს სხდომის ფარგლებში დეპუტატებმა განიხილეს დღის წესრიგით გათვალისწინებული შემდეგი საკითხები:

- ასპინძის მუნიციპალიტეტის ტერიტორიაზე საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი პროექტების მოწონების თაობაზე;
- ასპინძის მუნიციპალიტეტის 2020 წლის ქონების საპრივატიზაციო ობიექტების ნუსხისა და პრივატიზაციის გეგმის დამტკიცების შესახებ.

დეპუტატებმა წარმოდგენილი საკითხები ხმათა უმრავლესობით დაამტკიცეს.

სხდომას თავმჯდომარეობდა მუნიციპალიტეტის საკრებულოს თავმჯდომარე მამუკა მელიქიძე.



მუნიციპალიტეტის საკრებულოს რიგგარეშე სხდომა

საკრებულოს რიგგარეშე სხდომაზე განიხილეს შემდეგი საკითხები:

1. ასპინძის მუნიციპალიტეტის საკრებულოს 2020 წლის 27 მარტის №7 დადგენილებაში ცვლილების შეტანის თაობაზე;
2. ასპინძის მუნიციპალიტეტის საკრებულოს 2017 წლის 27 ივნისის №13 დადგენილებაში ცვლილების შეტანის თაობაზე;
3. „ასპინძის მუნიციპალიტეტის ტერიტორიაზე პირველ კლასს დაქვემდებარებულ შენობა-ნაგებობათა სახეობების განსაზღვრის შესახებ, რომელთა განთავსება/ მშენებლობა შესაძლებელია მშენებლობის ნებართვის გარეშე.“ ასპინძის მუნიციპალიტეტის საკრებულოს 2013 წლის 07 ნოემბრის №22 დადგენილების ძალადაკარგულად გამოცხადების შესახებ;
4. ასპინძის მუნიციპალიტეტის საკუთრებაში არსებული სატრანსპორტო საშუალების ა.ა) ი.პ ასპინძის სახელოვნებო და სამუზეუმო დაწესებულებათა გაერთიანება - კულტურის ცენტრისთვის დროებით სარგებლობის უფლებით გადაცემაზე, ასპინძის მუნიციპალიტეტის მერიისათვის თანხმობის მიცემის შესახებ;
5. ასპინძის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნაკვეთზე, იჯარა-აღნაგობის ხელშეკრულების ვადაზე ადრე შეწყვეტაზე, მერიისათვის თანხმობის მიცემის შესახებ;
6. „არასამეურნეო (არაკომერციული) იურიდიული პირის ასპინძის მელორაციის და სოფლების სასამელო წყლის ცენტრის მომსახურების საფასურზე შეღავათების განსაზღვრის შესახებ“

მუნიციპალიტეტის საკუთრებაში არსებული სასოფლო-სამეურნეო დანიშნულების მიწის (საძოვარი) ნაკვეთების ელექტრონული აუქციონის ფორმით გაცემის შესახებ.

დეპუტატებმა წარმოდგენილი საკითხები ხმათა უმრავლესობით დაამტკიცეს. სხდომას თავმჯდომარეობდა მამუკა მელიქიძე.

მაკა პერიძე

ვიმდინარეოვს ტროტუარების რეაბილიტაცია



მუნიციპალიტეტის სინამდვილეში თითქოს ყოველდღიურ ნორმად იქცა ქუჩების კეთილმოწყობითი სამუშაოების ჩატარება. ამ მიზნით ბევრი სასიკეთო ძვრები მოხდა ჩვენს სინამდვილეში და დღითიდღე დაბასა თუ სოფლებს ემატება ახალ-ახალი, თვალშისაცემი ობიექტები.

ახლახან დაიწყო დაბა ასპინძაში ტროტუარებისა და სანიაღვრე არხების სარეაბილიტაციო სამუშაოები, ასევე დაბის ცენტრში, მთავარ საავტომობილო ტრასაზე, ე.წ. ბაზრის გვერდით მოეწყობა წრიული მოძრაობის და უსაფრთხოების კუნძული. აღნიშნული პროექტის ფარგ-

ლებში მთლიანად დაიგება 1800 მეტრზე მეტი სიგრძის ტროტუარი, ორი მიმართულებით - ვარძიის ქუჩაზე 1480 მეტრამდე და რუსთაველის ქუჩაზე 330 მეტრი (გარკვეულ მონაკვეთებზე მოეწყობა საყრდენი კედლები და სანიაღვრე არხები).

სამუშაოებს აწარმოებს ტენდერში გამარჯვებული კომპანია შპს „ტენდექსი“.

მიმდინარე ინფრასტრუქტურულ სამუშაოებში დასაქმებული მუშახელი სამუშაოებს ჯანდაცვის სამინისტროს რეკომენდაციების სრული შესაბამისობით ახორციელებს.

ოპორასა და დამალაში ინტენსიური მუშაობა მიმდინარეობს



ასპინძის მუნიციპალიტეტში საგზაო ინფრასტრუქტურის მონესრიგება გრძელდება. მუნიციპალიტეტის სოფლებში ოპორასა და დამალაში შიდა გზებზე ასფალტობეტონის საფარი იგება, ენ-



ყოზა სანიაღვრეები, ცხაურები და ეზოების შესასვლელი მონაკვეთები.

სარეაბილიტაციო სამუშაოები რეგიონში განსახორციელებელი პროექტების ფონდიდან და ადგილობრივი ბიუჯეტიდან ფინანსდება.

მუნიციპალიტეტის მასშტაბით მიმდინარე ინფრასტრუქტურული სამუშაოები აქაც და სხვა სამშენებლო ობიექტებზე ჯანდაცვის სამინისტროს რეკომენდაციების სრული შესაბამისობით ხორციელდება.

მომსახურების დონეს გააუმჯობესებს!

ასპინძის მერიის მიმდებარე გამოკრული აბრა უმაღლესი იპყრობს უცხო თვალის ყურადღებას და ძალაუფლებურად დაგაინტერესებს, ახლადმშენებარე ობიექტს რა დანიშნულება ექნება მომავალში.

ცხადია, რაც დრო გადის მოსახლეობის უკეთ მომსახურების მიზნით, კომპიუტერულ ეპოქაში, თითქმის ყოველდღე ახალ-ახალი სიურპრიზების მონაწილე ვხდებით და ის რაც გუშინ უცხო ხილი იყო, დღეს თითქოს არაფერი, ჩვეულებრივად ვეგუებით ჩვენს თვალწინ გარდაქმნილ ცხოვრებას.

ეს აბრაჯ ჩვენს ყოველდღიურებაში ახალი გაუმჯობესებული მომსახურების მაუნ-



ყებელია: - „მიიღეთ 200-ზე მეტი მომსახურება ქალაქიდან გაუსვლელად, კომფორტულ გარემოში!“

დიახ, ცოტა ხანი და ასპინძელებს მართლა კომფორტულ მომსახურებას გაუწევს საზოგადოებრივი ცენტრი, სადაც ნებისმიერ ადამიანს შეუფერხებლად შეეძლება მიიღოს პასპორტი და პირადობის მოწმობა; სოციალური დახმარება; პენსია; მოახდინოს მინის რეგისტრაცია; საბანკო მომსახურება და სხვა.

საზოგადოებრივი ცენტრი მოეწყობა თანამედროვე სტანდარტების დონეზე, რომელიც უზრუნველყოფილი იქნება ინტერნეტ-მომსახურებით, შესაძლებლობა გვეძლევა აქ გავმართოთ საჯარო დისკუსიები, მეცადინეობები, წარდგინებები, ლიტერატურული, შემოქმედებითი საღამოები და სხვ., რისი საშუალებაც აქამდე ასპინძელებს არ ჰქონდათ და თუ სადმე შეიძლებოდა მსგავსი ღონისძიებების ჩატარება, ცხადია, ყოველგვარი კომფორტისა და თანამედროვე მოთხოვნების გარეშე.

კორონა-ვირუსის პანდემიის მიუხედავად ამ ობიექტის მშენებლობა არცერთი დღე არ შეჩერებულა და სატენდერო მოთხოვნების გათვალისწინებით ასპინძელები სულ მალე მიიღებენ კიდევ ერთ შესანიშნავ ობიექტს, რომელიც ასევე მომსახურებასთან ერთად მთლიანად შეუცვლის იერსახეს ადმინისტრაციული შენობის მიმდებარე ტერიტორიას.

სოფლები იეხსახეს იცვლიან

უახლოეს წარსულში ვერავინ წარმოიდგენდა, რომ შესაძლებელი იქნებოდა სოფლის მისასვლელი გზებისა და, მით უმეტეს, შიდა გზებზე ასფალტისა თუ ასფალტობეტონის გზების დაგება. თვით დაბაშიც კი მხოლოდ ორი-სამი ქუჩა იყო მოასფალტებული, ტალახსა და ოღრო-ჩოღრო გზებზე უხდებოდა მოსახლეობას სიარული, შესაბამისად, მოუწინავე იყო თითქმის ყველა

ქუჩაზე ეზო-კარმიდამოს დამცავი ღობეები. ახლა კი, გზების კეთილმოწყობასთან ერთად, იერსახეს მოსახლეობის საკარმიდამოების ღობეებიც იცვლის და ქუჩები სასიამოვნო გარემოს ქმნიან.

ახლახან კიდევ ერთი კარგი ინფრასტრუქტურული პროექტის განხორციელება დაიწყო მუნიციპალიტეტის სოფელ იდუმალაში (ე.წ. ლაშხვი), დაბასა (ვარძიის I-II ჩიხი) და სოფელ ტოლოში,

კერძოდ, მისასვლელი გზების დამთავრების შემდეგ შიდა გზებს მიექცა დიდი ყურადღება.

აღნიშნული პროექტის ფარგლებში ამ სოფლებში მოეწყობა ასფალტობეტონის საფარი სიგრძით 1900 მეტრამდე, რომელსაც აწარმოებს ტენდერში გამარჯვებული კომპანია შპს „საგზაო სამმართველო-N2“.

მეტი ყურადღება წინვოვან ხეებს!



ნებისმიერი დასახლებული პუნქტის სილამაზეს არამარტო შენობა-ნაგებობების სიმრავლე, მათი კეთილმოწყობილი ეზო-კარმიდამო, არამედ კარგად დაცული ფლორა განაპირობებს. ადამიანთა ჯანმრთელობა განპირობებულია უპირველესად მეტი მწვანე გარემოთი, ხე-მცენარეების სიმრავლით.

სადაც ეს კომპონენტები ჭარბობენ, ჰაერიც გაჯანსაღებულია და ადამიანის ჯანმრთელობაც - დაცული.

უფროსი თაობის ადამიანებს კარგად ემახსოვრებათ, არცთუ ისე დიდი ხნის წინ, ყოველ გაზაფხულზე, როგორი ბუმი იყო ე.წ. „შაბათობების“ სახით და რამდენი ფიჭვისა თუ ნაძვის ახ-

ლადგამოყვანილი ნერგები ირგვებოდა როგორც ტყის ზოლებში, ასევე დასახლებული პუნქტების მიმდებარე ტერიტორიებზე, რომლებსაც მოვლა-პატრონობას არ აკლებდნენ და შედეგად ახლადგაშენებული კორპორაციები დღეს ტყის მასივებად არიან ქცეულნი.

იმის მიუხედავად, რომ ამ მიმართებით მუშაობა დღესდღეობით არცთუ ისე სახარბიელოა, კარგია, რომ არსებულ მარადმწვანე წიწვოვან ხის ჯიშებს (ფოთლოვანსაც) ადგილობრივი ხელისუფლება არ აკლებს მზრუნველობას. ამის საუკეთესო მაგალითია ყოველწლიურად დაბაში არსებული წიწვოვანი ხეების მავნებელი მწერებისაგან დაცვა.

ახლახან დაბის ცენტრში, კულტურისა და დასვენების ორივე პარკში, არსებულ ყველა ხის ძირი შეეთურდა კირის ხსნარით და ჩაუტარდა მათ ძირებს შემობარვა, რაც მათი დაცვის გარანტიაა.

რეაბილიტაცია უტარდება



სოფლის მხარდაჭერის პროგრამის ფარგლებში წარმატებით მიმდინარეობს ინფრასტრუქტურული პროექტები.

აღნიშნული პროგრამის ფარგლებში ასპინძის მუნიციპალიტეტის სოფელ გელსუნდაში რეაბილიტაცია უტარდება საცალფეხო ხიდს, რომლის სამუშაოებსაც აწარმოებს ტენდერში გამარჯვებული კომპანია შპს „ალმა“.

მუნიციპალიტეტის მასშტაბით მიმდინარე ინფრასტრუქტურული სამუშაოები ჯანდაცვის სამინისტროს რეკომენდაციების შესაბამისად ხორციელდება.

